

10. gr.

Fiskistofa getur svipt skip leyfi til veiða innan fiskveiðilandhelginnar brjóti útgerð eða áhöfn skipsins eða aðrir þeir er í þágu útgerðar starfa gegn lögum sem um hlutaðeigandi veiðar gilda, reglugerð þessari eða ákvæðum milliríkjasamninga.

11. gr.

Skip sem veiðileyfi hafa skv. reglugerð þessari skulu að öðru leyti fylgja ákvæðum laga nr. 22, 8. apríl 1998, um veiðar og vinnslu erlendra skipa í fiskveiðilandhelgi Íslands.

12. gr.

Brot gegn ákvæðum reglugerðar þessarar varða viðurlögum samkvæmt ákvæðum laga nr. 22, 8. apríl 1998, um veiðar og vinnslu erlendra skipa í fiskveiðilandhelgi Íslands. Með mál út af brotum á reglugerð þessari skal farið að hætti opinberra mála.

13. gr.

Reglugerð þessi er sett samkvæmt ákvæðum laga nr. 22, 8. apríl 1998, um veiðar og vinnslu erlendra skipa í fiskveiðilandhelgi Íslands til þess að öðlast þegar gildi og birtist til eftirbreytni öllum þeim sem hlut eiga að máli.

Sjávarútvegsráðuneytinu, 23. febrúar 2000.

Árni M. Mathiesen.

Jón B. Jónasson.

GJALDSKRÁ

fyrir eftirlit og þjónustuverkefni dýralækna sem annast opinber eftirlitsstörf.

1. gr.

Yfirdýralæknir skal innheimta gjald samkvæmt gjaldskrá þessari fyrir opinber eftirlitsstörf sem dýralæknar annast samkvæmt gildandi löggjöf um það efni á hverjum tíma.

Gjaldskrá þessi nær ekki yfir gjöld sem lögð eru á samkvæmt 11. gr. laga nr. 96/1997 um eldi og heilbrigði sláturdýra, slátrun, vinnslu, heilbrigðisskoðun og gæðamat á sláturafurðum.

2. gr.

Gjald fyrir opinbert eftirlit, þ.m.t. sýnatöku og skoðanir dýralækna skal vera sem hér segir:

Tímagjald	kr.
Gjald vegna rannsóknar pr. sýni samkvæmt eftirlitsáætlun	3.000
Akstursgjald pr. km	3.500
	41,65

Yfirdýralæknir skal innheimta gjald af starfsemi sem tilgreind er í viðauka A, með gjaldskrá þessari, enda fari fram reglubundið eftirlit með starfsemiinni, samkvæmt eftirlitsáætlun. Yfirdýralækni er heimilt að breyta umfangi og/eða tíðni eftirlits og sýnatöku hjá einstökum aðilum telji hann ástæðu til.

Ef um aukin eftirlitsverkefni er að ræða, umfram reglubundið eftirlit og sýnatöku sem gert er ráð fyrir í eftirlitsáætlun er yfirdýralækni heimilt að gera sérstakan reikning vegna þeirra, eins og um þjónustuverkefni sé að ræða samkvæmt 1. mgr.

Héraðsdýralæknar skulu halda skrá yfir eftirlitsskylda aðila og vinna árlega eftirlitsáætlanir í umdæmum sínum í samræmi við viðauka A sem fylgir gjaldskrá þessari. Skrár yfir eftirlitsskylda aðila og eftirlitsáætlanir skulu héraðsdýralæknar vinna og afhenda yfirdýralækni fyrir 1. desember ár hvert.

3. gr.

Yfirdýralæknir skal innheimta gjald samkvæmt 1. mgr. 2. gr. af eftirlitsskyldri starfsemi sem ekki er tilgreind í viðauka A, fyrir eftirlit, skoðanir og aðra þjónustu, s.s. vegna undirbúnings, ferðar, tímavinnu, frágangs, aksturs o.fl.

4. gr.

Yfirdýralæknir skal innheimta gjald samkvæmt 1. mgr. 2. gr. af starfsleyfisskyldri starfsemi fyrir starfsleyfi s.s. vegna undirbúnings, ferðar, tímavinnu, frágangs, aksturs o.fl.

5. gr.

Fyrir vottorð sem dýralæknir gefur út vegna opinbers eftirlits og annarra opinberra þjónustustarfa skal innheimta gjald sem hér segir:

a) vottorð vegna útflutnings einstaklinga á matvælum allt að 5 kg.	100
b) vottorð vegna útflutnings matvæla allt að 25 kg	1.000
c) vottorð vegna útflutnings matvæla yfir 25 kg	2.000
d) vottorð vegna útflutnings annarra afurða eða annars búnaðar	2.000
e) vottorð vegna útflutnings dýra, gjald pr. dýr	500
f) vottorð vegna úttekta	2.000
g) önnur vottorð	2.000

Fyrir aðra þjónustu sem dýralæknir annast samkvæmt liðum d-g skal auk gjalds samkvæmt 1. mgr. innheimt tíma- og akstursgjald samkvæmt 1. mgr. 2. gr.

Gjald fyrir önnur þjónustuverkefni innheimtist samkvæmt reikningi sem miðaður skal við tíma- og akstursgjald samkvæmt 1. mgr. 2. gr.

6. gr.

Um innheimtu gjalda samkvæmt gjaldskrá þessari fer eftir almennum reglum. Gjald fyrir matvælaeftirlit samkvæmt 25. gr. laga nr. 93/1995 um matvæli má innheimta með fjárnámi án undangengins dóms.

7. gr.

Gjalddagi gjalda samkvæmt 2.-5. gr. er tíu dögum eftir dagsetningu reiknings og eindagi 1. næsta mánaðar. Dráttarvextir reiknast frá gjalddaga séu gjöldin ekki greidd á eindaga.

8. gr.

Þegar sami aðili rekur fleiri en eina tegund starfsemi sem fellur undir gjaldskrá þessa, á einum og sama stað, er heimilt að innheimta eitt gjald samkvæmt viðauka A, þá af þeirri starfsemi sem ber hærra eftirlitsgjald.

9. gr.

Innheimt gjöld samkvæmt gjaldskrá þessari skulu renna til reksturs embættis yfirdýralæknis.

10. gr.

Gjaldskrá þessi er sett samkvæmt 11. gr. laga nr. 66/1998 um dýralækna og heilbrigðisþjónustu við dýr með síðari breytingum og 25. og 26. gr. laga nr. 93/1995 um matvæli og öðlast þegar gildi. Frá sama tíma fellur úr gildi gjaldskrá fyrir dýralækna nr. 204/1990 með síðari breytingum.

Landbúnaðarráðuneytinu, 25. febrúar 2000.

Guðni Ágústsson.

Sigríður Norðmann.

VIÐAUKI A

Flokkur	Gjaldskyld starfsemi	Gjald kr.
101	Sláturhús, einn slátursalur, < 500 tonn á ári	17.248
102	Sláturhús, einn slátursalur, > 500 tonn á ári	26.248
103	Sláturhús, fleiri en einn slátursalur, < 500 tonn á ári	21.748
104	Sláturhús, fleiri en einn slátursalur, > 500 tonn á ári	30.747
105	Alifuglasláturhús, < 500 tonn á ári	17.248
106	Alifuglasláturhús, > 500 tonn á ári	26.248
201	Kjötvinnsla, lítil	16.498
202	Kjötvinnsla, miðlungs	25.498
203	Kjötvinnsla, stór	42.746
204	Kjötvinnsla með reykingu, lítil	25.498
205	Kjötvinnsla með reykingu, miðlungs	37.496
206	Kjötvinnsla með reykingu, stór	60.744
207	Kjötfrystihús	22.498
208	Kjötpökkunarstöð	25.498
301	Mjólkurframleiðsla, < 50 kýr	8.549
302	Mjólkurframleiðsla, 51-100 kýr	11.549
303	Mjólkurframleiðsla, > 100 kýr	14.549
304	Eldi nautgripa til kjöt- og/eða mjólkurframleiðslu, < 50 gripir	5.549
305	Eldi nautgripa til kjöt- og/eða mjólkurframleiðslu, 51-100 gripir	8.549
306	Eldi nautgripa til kjöt- og/eða mjólkurframleiðslu, > 100 gripir	11.549
401	Svínabú, < 100 gyltur	11.099
402	Svínabú, 101-200 gyltur	17.098
403	Svínabú, 201-300 gyltur	26.098
404	Svínabú, > 300 gyltur	32.097
405	Varphænsnabú, < 2.500 fuglar	5.549
406	Varphænsnabú, 2.501-5.000 fuglar	8.549
407	Varphænsnabú, 5.001-7.500 fuglar	11.549
408	Varphænsnabú, > 7.500 fuglar	14.549
409	Kjúklingaeldi, < 10.000 fuglar	5.549
410	Kjúklingaeldi, 10.001-20.000 fuglar	8.549
411	Kjúklingaeldi, 20.001-30.000 fuglar	11.549
412	Kjúklingaeldi, > 30.000 fuglar	14.549
413	Kalkúnaeldi	8.549
414	Anda- og gæsaeldi	8.549
501	Klakstöð/seiðaeldi, < 100.000 seiði	20.098
502	Klakstöð/seiðaeldi, > 100.000 seiði	26.098
503	Matfiskaeldi, framleiðsla < 25 tonn á ári	8.549
504	Matfiskaeldi, framleiðsla 25 - 50 tonn á ári	14.099
505	Matfiskaeldi, framleiðsla > 50 tonn á ári	26.098
506	Klakstöð/seiðaeldi, fleiri en 100.000 seiði og matfiskaeldi, < 50 tonn á ári	32.097
507	Klakstöð/seiðaeldi, fleiri en 100.000 seiði og matfiskaeldi, > 50 tonn á ári	35.097
601	Loðdýrabú	8.549